

Nd.

1263. Frumvarp til laga

[86. mál]

um breytingu á áfengislögum, nr. 82/1969.

(Eftir 3. umr. í Ed., 12. júní.)

1. gr.

Ríkisstjórnin skal á árinu 1985 láta fara fram atkvæðagreiðslu meðal allra kosningabærra manna um það hvort leyfa skuli innflutning og framleiðslu á áfengu öli sem hefur inni að halda vínanda á styrkleikabilinu 4% til 5% að rúmmáli.

Atkvæðagreiðslan, sem er ráðgefandi fyrir Alþingi og ríkisstjórn, skal snúast um það hvort gerðar skuli eftirtaldar breytingar á áfengislögum, nr. 82/1969:

a. 3. gr. laganna orðist svo:

Ríkisstjórninni einni er heimilt að flytja hingað til lands áfenga drykki eða áfengisvökva, hverju nafni sem nefnast, sbr. 1. mgr. 2. gr. Þó skal einungis heimilt að flytja til landsins áfengt ól sem hefur inni að halda vínanda sem er á styrkleikabilinu 4% til 5% að rúmmáli. Áfengis- og tóbaksverslun ríkisins annast innflutninginn.

b. 7. gr. laganna orðist svo:

Áfengis- og tóbaksverslun ríkisins einni skal heimil framleiðsla áfengra drykkja og bannad er öðrum að gera drykkjarhæft það áfengi sem er, eða gert hefur verið, óhæft til drykkjar. Þó skal dómsmálaráðherra heimilt að leyfa framleiðslu áfengs óls hérlandis af þeim styrkleika sem leyfilegt er að flytja til landsins skv. 3. gr. Áfengt ól, sem framleitt er til útflutnings, er þó ekki háð slíkum takmörkunum.

c. 8. gr. laganna orðist svo:

Upptæk skal gera öll áhöld sem með ólögmætum hætti á að nota, eða hafa verið notuð, við bruggun eða tilbúning áfengra drykkja eða til þess að gera drykkjarhæft það áfengi sem ódrykkjarhæft var. Áfengi það, sem búið hefur verið til eða aftur gert drykkjarhæft með ólögmætum hætti, skal og gert upptækt ásamt ílátum.

d. 9. gr. laganna orðist svo:

Áfengis- og tóbaksverslun ríkisins annast dreifingu og sölu áfengis, hvort sem það er innflutt eða framleitt innanlands, sbr. lög um verslun ríkisins með áfengi, tóbak og lyf, nr. 63/1969.

Allt áfengt ól, sem Áfengis- og tóbaksverslun ríkisins selur, skal selt í margnota umbúðum. Allar áletranir og upplýsingar á umbúðum áfengs óls, sem Áfengis- og tóbaksverslun ríkisins selur, aðrar en vörumerki, skulu vera á íslensku.

e. 1. mgr. 15. gr. laganna orðist svo:

Dómsmálaráðherra setur reglugerð um sölu og veitingar áfengs óls og vína samkvæmt þessum kafla.

f. 3. mgr. 31. gr. laganna orðist svo:

Árlega skal verja sem svarar 1% af skatttekjum ríkissjóðs vegna framleiðslu og sölu áfengs óls til fræðslu um skaðsemi áfengis. Menntamálaráðherra setur með reglugerð nánari fyrirmæli um fræðslu og ráðstöfun fjárfamlaga samkvæmt þessari grein.

2. gr.

Lög þessi öðlast þegar gildi.